




Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
1026/A









Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
1026/A





Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
1026/A



Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
1026/A



4375 (3)  
DE INCONSIDE-  
RATO ACIDULA-

rum usu

Dissertatio Medica

*Br 7635.  
Nr. 3.*

IOHANNIS  
LUDOVICI MOEG-  
LINGI, HEYDELBERGEN-  
sis: Medicinæ Doctoris, & Bonarum Ar-  
tium Professoris in Academia  
Tubingensi:

OPPOSITA ILLIS;

*QUI EUM OMNI-  
BUS INDIFFERENTER, ET  
quidem etiam frigidum, magnâ item copiâ,  
primò diluculô, concedere non du-  
bitant.*



TUBINGÆ,  
Typis Theodorici Vverlini,  
ANNO MDCXV.



Galenus lib. 8. de compos.  
med. local. cap. 4.

*Impossibile est invenire me-  
dicamentum unum ad multas  
affectiones optimum.*



I.



C E L E B R I , E T

*Eximio Viro,*

Dn. JOHANN:  
FABRI, MEDICÆ  
ARTIS DOCTORI ET  
Professori, inclytæ Tubingæ  
perquam insigni.

S. P.



*Quemadmodum fieri in vi-  
ta humana solet, præstan-  
tissime Domine Præceptor,  
& Compater, ut alii sub-  
inde alta despiciant, alii  
ima attollant, pleriq; igno-  
tis animum adjiciant, minimis haut suffici-  
ant: ita fit potissimum in Medicina, Artium  
omnium præstantissima, Hippocratis testi-  
monio,*

A. 2

monio,



moniò, ut, cui Ethnici Sapientiores veritatē  
victi fidem adhibuerunt, Nostrates, quid  
nostrates? quin gentilitiæ superstitionis pri-  
marii sæpè alumni; gravissima scommata  
cudant, convitiāq; evomant, etiamsi eiusdem  
verilogiis carere nequaquam possint.

Non Ego jam dicam de aliis, maximis  
à viris maximo opere dudum tractatis; ad  
paucaduntaxat accedam nunc mihi propo-  
sita. Immenso è penu Bonitatis, acidulas Altis-  
simus dedit, præclara sanitatis recuperandæ  
augendæve præsidia. Dedit & intellectum  
certis hominibus, qui earundem causas, ge-  
nerationes, & usus, modosq; utendi, præ aliis,  
apprimè callerent.

Et hi mirabilis è manu Jævis suæ submissi  
æquiq; æstimatores & usurpatores (quando  
nec omnes omnia possumus; nec pluribus uni-  
ci semper incumbere; nec nostris, ut decet, sa-  
tisfacere) anxio & religioso discrimine, sub-  
indè, quæ aquæ, quibus hominibus, & quo  
modo conveniant, accuratissimè quidem tra-  
dunt: at sæpè scopum non rectè attendunt, ne-  
dum optatum finem assequuntur.

His igitur audaces & frivoli quidam  
capitones, quibus præstolida cordis sublimi-  
tate,



tate, & rationum laborumq; contemptu, vel  
functio sua vilescit, vel sors haut par est,  
vel auri sacra fames cuniculos egit, vel pon-  
dus rerum & iudicium in lubrico situm, a-  
culeos exertos statim obvertunt, nunc supra  
modum extollentes acidulas, nunc infimo lo-  
co eas collocantes, modo ut stultitiam suam  
probis patefaciant.

Quidenim nominem, nisi stultitiam?  
fortassis rectius, insaniam? vin' etiam impro-  
bitatem? de rebus neutiquam aut non ritè  
perceptis, cum aliorum irreparabili damno  
non modo iudicare velle, sed etiam cantiones  
& acclamationes instituere.

Ignoscam tamen illis aliquantulum,  
(quanquam veniâ digni non sint) & id per-  
versa multitudinis vitiò incorrigibile, de-  
plorabo potius, quàm reprehendam; quòd  
medici, interdum etiam non indocti, lucri  
caussâ, vel indifferenter suadent Acidulas,  
vel vanâ fiduciâ, tantam copiam aquæ frigi-  
dæ diluculo epotandam præbent, quantam  
vix boves duo per æsophagum diductum  
transmitterent.

Quod cum non modo à veris Medicinæ  
dogmatis alienum; sed etiam sanitati homi-



num nobilissima detrimentosum, consiliisq;  
cuiusq; privatis valde captiosum & malum  
sit: operæ precium me facturum existimo, si  
confirmatoris & securioris animi gratiâ, a-  
liqua in eam rem argumenta publico Artifi-  
cum examini modeste subiiciam.

Nolo enim hic subticere, jam aliquoties à  
nonnullis notissimis Medicis consilia mea ita  
eo nomine reprobata fuisse ut nisi multas ra-  
tiones fortiter militantes in contrarium ha-  
buissem, subito cū consiliis animū mutassem.

Huius igitur rei primum testem te in-  
voco, Clarissime & Excellentissime Vir, Do-  
mine Compater Spectatissime, quā fidem, lo-  
cupletissimum; quā doctrinam, eminentissi-  
mum; quā auctoritatem amplissimum

Tuæ enim Excellentie de querelis super  
hac re privatim habitis cum primis constat:  
Et, quod simul discendi, non prorsus contra-  
dicendi studio, hocce negotii, quicquid sit, &  
quàm parvi precii, nunc susceperim.

Deinde etiam, si forsan erroris falsò in-  
simuler: vel opinionis falsa jure convincar;  
Immaculata veritatis patronum insignem;  
admissa culpæ monitorem apertum habeam,  
eumq; medicum, nec vulgarem.

Omissa



DEDICATORIA. 5

*Omissâ enim nunc largiore ceterarum  
virtutum tuarum recitatione, quæ magnis  
viris semper suspecta est; Iudicium tuum in  
Medicina profundum; Religio gravis & con-  
stans, palam est omnibus.*

*Majoribus igitur antehac à T. Excell.  
affectus beneficiis, quin alacri animo sereno-  
quæ vultu locum petitioni datura, meq; post-  
hac etiam pristino favore amplexatura sit,  
minimè dubito.*

*Deus te nobis nostraq; Arti sospitem &  
salvum diu conservet. Scriptum Tubingæ,  
quinto Id. Iunii, Anni, reparatæ libertatis  
Christianæ. M. DC. XV.*

*T. Excellentie*

*Commendatiss.*

*Johannes Ludovicus Mœg-  
ling, D. & P.*

*A 4*

*Profilien-*



**P**ROfilientes è terra aquas acidulas, mirabilia illa Omnipotentis & præbenigni Largitoris dona, medicamenta esse, non alimenta, & quidem præstantissima, nemo, nisi rerum medicarum scientia planè destitutus, negare potest. Quin id multorum doctissimorum virorum Scripta elegantissima; nec non paucorum ægrotantium inexplebile desiderium & saluber usus; ipsaq; ratio & experientia, à pecoribus, quæ has ne degustant quidem sicut aquas simplices alias, desumpta, satis nobis persuadent.

In tota autem medicamentorum utili & pernecessaria disquisitione (nec enim ulla eorum, etiam probatorum. Altissimi nutu, inopia: atque singulis morbis suum certò remedium, nobis duntaxat sæpè ignorantibus) meritò maximum semper est habitum, quo modo, quoque pondere, mensura, vel numero, tempore item, eadem, cuiq; homini individuo, ritè & convenienter præscriberentur. *Gal. 3. temp. 7.*

Neque verò frustrà. In eo etenim solo, cum primis, hac ex parte, industria medici prudentis versatur & periclitatur, qui vel naturâ, vel casu, vel fortunâ, vel consiliò, vel somniò animalium brutorum rationaliumve adapertas & exploratas jam innumerorum vires, cum commodo, non dispendio



pendio valetudinis, adæquatè adhibeat. Quantitate siquidem virium, & mole in qua maior justo potestas, non qualitate, medicamina consideratè usurpata nocent, *Gal. 2. aph. 30. text. 5.*

Et ut in universa Medicina difficile sit iudicium; assertore *Hipp. 1. aphorism. 1.* seorsim tamen in definiendis & determinandis medelarum dosibus valdè anceps est & arduum, adeoque artificiosâ conjecturâ nos contentos esse oportet, *Gal. libr. de venæ sect. Et 1. ad Glauco. 1.* expectatô postea eventu conformi crebriore; nec ultrâ, quàm solertia humana se protendit, progredi licet, *1. meth. med. 3.* ita subinde curando, ut nihil efficientes nemini noceamus. *1. compos. med. local. 1.*

Neque propterea conjecturalis, in certa, & fortuita sit hæc medendi ratio. Secus Artis diminissimæ verissima fundamenta prorsus exspirarent; nulla in his methodo opus esset; ubivis aniculæ, bajuli, operarii, felicissimè medicinam facerent; frustra que tot ingeniosissimi viri lucubrationibus suis laboriosissimis in somnes noctes ducerent; sed ut in aliis plerisque rebus contingentibus, tum ob materiæ subjectæ & objectæ indeque natarum circumstantiarum instabilitatem & variationem, tum mentis humanæ & naturâ & instrumentorum maledi-



ctione obtusæ inæqualem applicationem, plerunq̃ue minor est ἀνεῖβεια: ita potissimum in Medicina, arte longissima latissimaque.

At nihilominus eò exquisitiore discretionē uti necessum est, quò maior omnium perplexitas, quam quotusquisque vulgarium, citra palpabilem mortalium noxam, dirimere minimè quit. Quandoquidem rerum ratione etiam non conquisitarum docta ars est atque adhibitio, ut docet Galenus. 2. meth. 2. Et Hippocrates, ipso Artis quasi vestibulo: Experimentum (solum scilicet, sine iudicio, sine Arte) fallax. Et usus medicamentorum ἀμείδιον non modò non prodest, sed etiam obest frequenter, ut ait Gal. . compos. med. loc. i.

Vnde non assequor, ingenuè fateor, quò fundamentò, quâ observatione, imò quâ conscientia nonnulli gavisi, tam impræmeditatè, tam incogitanter, tam irreligiosè, obviis omnibus, sanis & afflictis, magnam acidularum gelidarum copiam, algescente crepusculo matutino, sine discrimine, ad voluntatem permittunt, atque aliquandò adversus appetitum inhorrescentibus, robore fractis & debilitatis, retrò obtrudunt.

Sanis etenim plerisque, & per multis infirmis, nullatenus eas conducere, nedum  
ita



ita copiosas & frigidas frigido sub cœlo anhelosè epotas, & multiplici ratione, & stabilibus documentis, & autoritate magnorum in Arte luminum, pulcherrimè demonstrari potest.

Primum namque nulla medicamenta per se vel intelliguntur, vel sunt talia, nisi mutuo quodam respectu ad res insalubres, corpora humana vel potentiâ, ut pleræque causæ morbiferæ, vel ipso actu, ut morbi & eorum symptomata, jam obsidentes offendentesque; quas vel conjunctim, vel separatim, prout Natura caloris ope deduxerit, primo quoquo tempore mutare & expellere cupiunt. Sin nihil illarum inveniant, nec tamen ab agendo naturaliter desciscere queant; in corpora ipsa vim suam conferre, eiusque statum naturalem quoquo modo invertere contendunt. Galen. 1. de simpl. med. fac. 1. Et 6. compos. med. loc. capite de columella.

Hoc dudum sentiens Hippocrates rectissimè scripsit de purgantibus. aph. 36. sect. 2. Sana habentes corpora, dum medicamentis purgantur, citò exsolvuntur. Et 37. eiusdem sect. Qui benè habent corpore, difficulter ferunt medicationes, tum purgatrices, tum altercatrices alias, secundùm genuinum aphorismorum sensum, ut facile ex ultimis Galeni verbis in comment. horum locorum



locorum colligimus. Et Avicenn. cantic. tractat. i. canone. 26. Ac aliquantò fufius è. i. Gal. de humoribus. ii. Sanos, & in quibus nihil redundat, purgare non oportet. Nam præterquam quòd id cum labore facis, non mediocris noxa confequitur.

Debere autem medicamentis, & quidem etiam vacuantibus, annumerari Acidulas, inde apparet; quia omnia, quæ infunt ipsis, five fubftantiâ, five qualitate, ut alumen, ut nitrum, ut borax, ut fal, ut sulphur, ut æs, ut alia, medicamenta funt, partim alterantia, partim vacuantia. Vnde Galenus lib. de ptifana, cap. i. Aquæ, quæ mixtione alicuius alterius extrinfecæ aut fubftantiæ, aut qualitatis fuerint adulteratæ, quales funt bituminosæ, & sulphureæ, atq; aluminosæ, tantum à propria aquæ natura recedunt, quantum fuerint abalienatæ. Et in Comment. aph. 2. fect. 4. Balnea (utiq; etiâ potus) sulphurea, nitrofa, & bituminofa, totum corpus evacuant. Et Halyabbas. 5. theor. Omnes aquæ ex minera infuaves, funt, potuique inhabiles; & medicamenta tantum morbis quibus conveniunt, five in infeflu, five in potu.

Hoc fenfu Hippocr. in libr. de aër. aq. & loc. Et lib. de vulneribus capitis, dixit: Aquæ quæ furgunt è metallo ferreo, vel æreo, nullæ omninò juvantes & falubres funt, fed  
simplici-



simpliciter duræ. Et cum Avicenna. 1. Can. fen. 2. cap. 16. Alexander, medicus: Aquæ, quibus substantia admiscetur metallina, aut ei similis, omnes malæ sunt.

Nec alia ratione Vitruvius. 8. de aquis, 3. fontes omnes vitiosos vocat qui inveniuntur in terra, è qua fodiuntur aurum, argentum, æs, ferrum, sulphur, alumen, bitumen.

Quàm ergo præclare corpus antea sanum, acidulis pruriéntibus, nec quicquam nutrientibus (uti expediret) deformabimur?

Rhasis certè testimoniò, frequens earum potus humores vitiat & corrumpit: eò, quia medicamenta sunt, non nutrimenta, & in sanis minimè laudanda. Neque bibenda sunt ab iis medicamenta, quibus inculpata corporis sanitas obtigit. 6. sanit. tuend. 16. Cuius, absque dubio, metuenda aliquandò spectaremus exempla in Comitibus hospitum ægrorum sanis, nisi ipsi aureæ valetudinis negligentiores essemus.

Cùm verò absolutissima & in functionibus suis perfectissima illa sanitas, aut in nullis, aut admodum paucis, conspiciatur, è Gal. 1. sanit. tuend. 5. omneque corpus ad minimum unam partem habeat naturâ debilem: 7. Art. medicinal. Libr. de opt. corp. constit. 6. atque adhæc cum parte illiusmodi



di membra quoque sana cottidiè vitiosi  
quid deterant, deponant, accumulent, &  
ita consequenter in statum bivium, neutra-  
lem, seu neutrum conjiciantur. 1. sanit. tuend.  
2. non certè absona videtur aliquibus aci-  
dularum frequentatio.

Verum enimverò, utcumq; corpus in sa-  
nitate comparatum nobis objectetur, con-  
siliium, clam initum minus fructuosè pro-  
cedet,

Ponamus enim aquas illas acidulas,  
veluti medicamenta, ad tria duntaxat ex-  
peti; vel ad intemperies viscerum corrigen-  
dum; vel materias ineptas vacuandum; vel  
robur partium innovandum confirman-  
dumque.

Non enim plures usus suppetunt ex  
Galen. 5. de simpl. med. fac. 1. Et Guinte-  
rii Andernaci præfatione in dialog. de aci-  
dul.

In primo sanè statu Neutralitatis, à con-  
summata sanitate laudatissimo, ubi non-  
dum morbus, neque etiam solida est sani-  
tas, sed æqua servatur sanitatis & morbofi-  
tatis proportio, ut in senibus, quæ mihi,  
cum aliis, eadem atque sanitas non opti-  
ma, cuius meminit Galenus libro supra ci-  
tato. 1. de tuend. sanit. 5. quia nullus adhuc  
dum vel excessus vel defectus truculentior,  
testi-



testibus actionibus incorruptis, & hinc neque adjectione utilium, neque inutilium detractioe multa opus; Cur, quæso, ad Acidularum Scaturigines taliter dispositos perducemus contra manifestas methodi leges, quæ demum incipiunt abeunte sanitate, & appropinquante vel præsentem morbo? 3. method. 3. Vbi ex adverso sciimus eorum multos vilissimis medicamentis tentatos modò in imbecillitatem incidisse.

Præter id, quòd eiusce generis homines à calore depressiore neutri cognominati, similibus sui custodiam; non contrariis alterationem, vel purgationem postulant.

Huic accedit porrò, quòd neque actualis frigiditas, neque impenfa siccitas potentialis acidularum hisce confert; nisi forsitan medium deligendum putemus, quod simul & sanam & morbidam illorum *κατάστασιν* ( ut communiter loquuntur ) aliquo modo concernat.

Hoc sanè alimentis adscribitur medicamentosis, è Gal. 1. de aliment. fac. 4. Et Hipp. Libr. de purgant. med. text. 1. quibus cum Acidulis, tanq. puris medicamentis, ne tantillum quidem est commercium. 3. de simpl. med. fac. 1.

Denique



Denique neque ipsi Medici periti, hos, si maximè egeant auxiliatrice manu, ad acidularum potum, sed potius thermas temperatiores ablegare hodiè solent.

Vtique igitur nec neutri, primi generis, intra sanitatis limites plurimum adhuc ambulantes acidis addicendi sunt.

In altero neutralitatis, seu sanitatis deciduæ ordine, quem Decidentiaæ statum id eo vocant, quia jamjam à bonitate temperiei partes nonnihil deflectere, malitiosiq; humores passim coacervari incipiunt, alteratio quidem & vacuatio aliqua est necessaria; At non statim summa, qualis sapissimè sylvestrium Acidularum importunum usum cum pernicie insequitur. Siquidem καὶ οἱ πονηρῇ τροφῇ χρεόμενοι ταχέως ἐκλύονται. 2. aph. 36. Et intemperatæ naturæ modico & tempestivo contrariorum usu gaudent. 8. meth. 9.

Atque valdè indigentibus, & ex longis temporum intervallis, vacuatio (ἀξιολόγος scil.) utilis est, è Comment. Gal. 3. aph. 15. non quibusvis incipientibus, ne præterea in malam consuetudinem corpora etiam trahantur; de quo & Galenus ibidem loci fideliter monet, & multorum tædiosa acidularum repetitio nobis vel tacentibus innuit.

Quin horum propria est Πικρασις, Galen. 9.



len. 9. terap. meth. 10. quæ fit per lenientia  
atque cibos boni succi 6. tuendæ valetud. 6.

Ex quibus perplanum arbitror, tunc  
demum Decidentibus acidos fontes ade-  
undos esse, cum nihil amplius spei & auxi-  
lii ex attemperato vitæ regimine, & pur-  
gantibus atque alterantibus mitioribus re-  
lictum sit.

Sic enim insuper auxilia malo erunt pa-  
ria. 89. Art. parv. Gal. Si non statim ab initio  
à valentissimis, sed ab imbecillioribus au-  
spicati majus quid in succenturiatis renue-  
rimus. Ex eodem κατὰ τὸ πᾶν. habita ratione  
virium & naturæ ordine ac more, quem de-  
pingit Aristoteles. 4. Phys. 8. text. 67. Gale-  
nus. 1. de compos. med. loc. cap. de alopecia.  
Hippocrates. 51. aphor. sect. 2. Avicenna lib.  
1. fen. 4. cap. 1.

Reliqui nunc sunt ex sanorum nume-  
ro seu censu illi, quos à morbo liberatos at-  
que redeuntés, Convalescentes trito no-  
mine appellitant, teste Avicenna. 3. cant.  
aph. 95.

Hi solius ἀναλήψεως propemodum indi-  
gi quacunq; ex causa promptissimè offen-  
duntur è Gal. 2. de diff. febr. 18. vacationi-  
bus, exercitiis, frictionibus, balneis, cibo,  
potu. 5. sanit. tuend. 6. Avicenn. cant. 3. aph.  
98. Quidni igitur aquis acidis infrigidanti-  
bus & exsiccantibus?

B

Imò,



Imò, ut plurimum antea sufficienter emaciati à morbo, à medicinis, humorum multorum educationem nec requirunt, nec tolerant: quæ tamen spontè aliquandò, aquis etiam non delibatis, cum damno hisce supervenit.

Nec minus etiam rarum est, & in solitum, nervosas corporum eorum partes nudiores Acidularum acrimoniâ & mordacitate inopinatò infestari atque feriri. Avicenn. Cant. part. 2. text. 28.

Et si quæ alia ulterior craseos membrorumque corrigendorum necessitas residua, (rara admodum & in morbo declinante vix unquam audita, modò cætera rectè apparata sint, expectanda tamen ab aquis acidis) ea sine periculo tamdiu facile suspendi potest, quousque habitum meliorem ægri recipiant.

Nisi enim externo quodam errore, aut culpâ translatitiâ resipiscentium nemo emoritur. Gal. 3. de cris. 5.

Tandem autoritate Hippocr. libr. de affect. text. 40. convalescentium additiones & detractiones omnes paulatinas esse oportet, quas certè celeres & repentinas in omnibus acidis fontibus de die in diem magis magisque comperimus.

Neque



Neque alia de causa plerique tantopere eos appetunt, nisi ut quàm citissimam sanationem indè adipiscantur.

Ratum igitur hoc sit & indubium omnibus: plerisque sanis hominibus, quibuscum unâ neutros etiam complector, minus utilem & salutarem esse acidularum potum.

Et hîc fortassis ex Galeno cum Rhasse, ultimo continent. cap. 70. tractat. I. de aqua, Lascivire liceret de acidulis: Nocuumtum earum non apparet in principio negotii, in corporibus sanis, quia crescit & augetur paulatim absque ullo sensu, & quando pervenit homo ad ætatem ultimam, patitur morbos difficiles in articulis, & nervis.

Quod autem aliqui hîc obijciunt, incolas eorum locorum è quibus abundantius prouunt, aliis multò & robustiores esse, & coloratiores, & vivaciores; id primùm non omni ambiguitate caret.

Circumferamus enim oculos in omnes, Germaniæ celebriores provincias & ditiones, quibus à natura datæ, multi profectò ibidem obambulant pallidi, ex succi, tumidi, cachectici, gutturosi, asthmatici, splenetici, colici, fœminæ item hystericæ, iis pro potu ordinario dietim utentes.



Deindè naturâ, atque ortu agrestiores isti homines, juxtaq; laborum patientes, & à teneris annis ad hunc potum adsuefacti, crassis cibis κατὰ λόγον semper nutriuntur, & aquosa cuncta sudando, meiando, confestim transmittunt.

Tùm ab aëris asperioris stringentisque crebriorem occursum, diutius retinent calidum humidumq; innatum, vernacula vitæ Longævioris fulcimenta, ut lepidissimè referunt Hipp. 17. aph. sect. 3. Aristoteles in Lib de long. & brev. vitæ. Et Galen. in Commentis.

CÆTERUM, an ægris quoque nonnullis inimicus sit Acidularum potus, quæritur?

Næ illud valdè expeditum, apud eruditos; permultis haut conducere. At propter arbitrarios & quæstuosos aliorum seductores res paulò altiùs expendenda est.

Veluti in aliis corporibus mixtis naturalibus, præsertim verò medicamentis, subindè composita naturam & facultates suorum simplicium resipiunt; & præter totius compositi formam propriam indeque genitam ιδιοσυγκρασίαν viresque individuales, plerunque occultas, ex Avicennæ lib. 5. Summ. I. tractat. I. cap. 2. in se plus non continent, quàm sua elementa; quæ tamen in alio magis, in alio minus conjuncta, alterata,



ta, commixta; unde mox etiam vires aliæ atque aliæ, sæpè contrariæ, quibusdam penitus perniciosæ insurgunt: ita omninò etiam aqua acidæ variis mixtis inferioribus, rarissimè solitariis, frequentissimè discrepantibus, aliquandò etiam venenatis; cinnabari, auripigmento, misy, sory infectæ, dispari quæ à calore excoctæ, diversis constitutionibus morbosis omnibus omnes commodare nequeunt. è I. Galen. de simpl. med. fac. 24. & 26.

Vt enim in homine sano, monitore Hippoc. lib. I. de diæt. text. 24. Et de articul. text. 83. natura differt à natura, & temperamentum à temperamento: ita deinceps etiam in ægro, ægritudines aliæ ab aliis, tum per se, tum ad medicamenta, tum seipsa; quarum differentiarum priores solâ etiam ratione; posteriores solâ experienciâ nonnunquam constant.

Sic certè dextra & sagaci animi subductione, absque negotio, arguimus, acidulas æris, chalcanti, pyritis, & calcarii lapidis feraces, teneris, rarefactis, nervosis, admodum sensibilibus, inflammatis & dolentibus corporibus, senibus, hypochondriacis nuperis, opthalmicis, arthriticis, cholericis, erysipelatosi, acutè febrientibus, nephriticis, catarrhosis, hæmorrhoidicis, & ex utero nimium fluentibus propter fervorem

B 3

&amp;



& tenuitatem sanguinis, & similibus, parum opitulari.

Econtra, tum his, tum cephalalgicis, spleneticis, hydropicis, viscerum vitio resolutis, stranguriis, & eius generis aliis, egregie succurrere aciditatem ex multo ferro, & exiguo sulphure, quæ mixtura penè apparet in aquis Spachensibus, non procul à sylva Arduenna.

Sic porro ex æquo rationis dictamine haut difficulter colligimus, fontes ex sale & ex nitro præcipuè acescentes, quod scribunt de Andernacensibus, propè Rhenum; & quodam alio Lansteinensi, propè oppidum Embs; alvo obstructos planissimè solvere, renum & vesicæ calculos confringere & exturbare, mulieres utero clausas brevi reserare, alphas, impetigines, lepras expungere.

Ex aduerso proclivibus cerebri fluxiones accelerare, anhelationes & suspiria inducere, ventriculos nauseabundos & delicatulos subvertere, diarrhæas, dysurias, cœliacas passiones exasperare, aliaq; similima mala exfuscitate. Quorsum rectè Aëtii verba verto tetrabibl. 1. ferm. 3. cap. 165. ubi nitrosam aquam (parum refert, siue thermalem, siue acidam inaudias) nocuam ait profundentibus urinas & egestionibus alvi mordaces, arteriæ ulceratæ, renibus, vesicæ, & ulceribus omnibus.

Pariter



Pariter rationi valdè est consentaneum, aluminosas aquas acidas, quales plurimum autumant, Tarbellienses, Kerlichen-  
ses, sensibiliter benefacere, ubi multa astring-  
tione & exiccatione calida opus; nec levi-  
ter vicissim officere, ubi extenuationis &  
emollitionis frigida causa.

Sic deniq; acri judicio atque intellectu animadvertit Excellentissimus Medicus, Iohannes Guinterius Andernacus, acidum fontem Spiegelbergensem ochrâ imbutum periculosum esse potatu, quo nomine gravi-  
ter etiam invecus est in quosdam im-  
pstores, eum ad omnia etiam hæreditaria vi-  
tia extollentes.

Quoniam verò iisdem aquis acidis in-  
terdum aliquorum venenosorum, plumbi,  
antimonii, Sandaracæ, melanterix, &c. vi-  
res adeò latenter & insidiosè simul immi-  
scentur, ut nullis perspicuis notis sensus,  
nedum mentem percellant: Vel etiam alia  
virosa parcius aquæ immersa quibusdam  
naturis repentinum malum accersunt, ut  
de gagate, Diosc. lib. 5. c. 103. de bitumine,  
Fuchsius lib. 2. sect. 5. c. 28. prodiderunt: iti-  
dem aliquandò nihil valent ponderosa su-  
perbæ rationis momenta, sed diligens & as-  
sidua auscultatio & inspectio singularum  
propriètatum, familiarū & hostilium, tum  
in aquis & ipsarū mineris mixturis, tum  
hominibus utentibus.



Vbi vereor, præ venustate , silentio involuere duos lepidissimos locos Bartholomæi Taurinensis sic exclamantis. 1. histor. therm. Aqueus. 4. Id Ego persuasum habeo, in horum ( mineralium ) quantitate ( cui imprægnatâ ) cognoscenda nos frustrâ laboraturos, cum eam perspectam & cuiq; aquæ mixtam, certò teneam, longo intervallo ab huius facultate & vi distare. Præter materiam enim perfectissimam, & eo perfectionis numero dotatam, qualem alibi non est invenire, concurrit solis benignus calor, & astrorum aspectus eam mirabilem vim aquæ tribuens, quam qui ex Arte sequitur, nunquam assequetur. Et mox lib. 2. de aq. nat. viribus, in fine: Consideranda est & occulta proprietas. Quædam enim quibusdam anni temporibus, colorem, odorem, & vim mutant. Sic balneum quintum Pifarum, de Aquis appellatum, tam insignem mutationem recipit, ut quibusdam annis non solum inutile, sed admodum nocivum sit. Paulò post: Hoc idem, inquit, in aliquibus anni partibus fieri potest: Vt in ditione Viterbii balneum Bulicani eodem die nunc colorem auri, nunc auricalchi, nunc stanni suscipit. Hoc itaque tempus, vel noxium, vel opportunum, non à scriptoribus, sed Incolis disces.

Facultatum enim omnium, quæ medicamen-



camentis insunt, experientia certissima est  
judicatrix, è 2. Galen. de simpl. med. fac.  
cap. 38.

Qui cùm non unius sed multorum an-  
norum & penè immensus labor sit: maxi-  
mi quidem faciendi sunt Medici aquis as-  
sidentes; sed ji tamen moribus politi, do-  
ctrinâ pollentes, discretione probati, in de-  
fessi accessu, & studio. Nam ne sic quidem  
omnium tandem gnari erunt.

Et quanquam omnes eiusmodi fontes  
acidi jactentur à plebe imperita; nec tamen  
idem Acor est in omnibus & ad omnia; sed  
in aliis maior, in aliis minor: isq; à diversis  
fuliginibus, succis, lapidibus, fossilibus, &  
metallis; nec in cunctis simplex; sed quan-  
doque permixtus cum dulcedine à sulphu-  
re; aut acredine à chalcanto; aut nidore à  
bitumine; aut sapore alio. Hipp. lib. de aër.  
aq. & loc. text. 21. In nonnullis veriùs Acri-  
monia, quàm Aciditas viget. Aliqui fontes  
acidi sunt & subsalsi mixturâ, è Plin. lib. 31.  
cap. 2. Quæ omnia non à quovis nasutulo,  
curioso; sed à solis Medicis vigilantibus &  
exercitatis; non superficialiis Clamitori-  
bus aptè dijudicari, & ad hominum pro-  
speritatem sobriè converti possunt.

Acidi quippe liquores ceu refrigerantes,  
exsiccantes, condensantes, vellicantes, pi-  
tuitosorum, mollium, macrorum, & tabe-

B 5      scentium



scientium affectiones frigidas nullo modo  
juvant; sed potius vehementer adaugent:  
caussant vigilias, stupores, & melancholias  
pertinaces, hebetudinem visus & auditus,  
vocem impeditam, spiritum anxium &  
densum, tusses asperas & interruptas, con-  
coctionem debilem & tardam, acidus ru-  
ctus, alienum appetitum, cardiogmon, do-  
lores ventriculi, intestinorum, uteri, vesicæ,  
lienis intumescantiam, venarum discraf-  
fias hydropicas, languores artuum anno-  
fos, præmaturum senium. 4. de simpl. med.  
fac. Gal. 2.

Retrò acres, aquæ calefacientes, attenu-  
antes, & erodentes, calidis, repletis, biliosis  
corporibus, & insultibus acutis, erisypela-  
tis, phlegmonis, intemperiebus, puctulis  
fervidis, febricitantibus, picrocholis, rheu-  
maticis, cancris, stimulos addunt & cra-  
brones provocant. Galen. 4. de simpl. med.  
fac. 17.

Vtrisque ulceratarum partium molestæ  
inæqualitates, & profusiones sanguinis da-  
mnoſæ citò afficiuntur, irritantur, atq; per  
sanatæ de novo recrudescunt.

Sub dulces unâ, graves, & fumosæ ex bi-  
tumine & sulphure, peculiariter calculosis,  
vomiturientibus, & in capite ac utero diu  
vexatis negotium facessunt. Quemadmo-  
dum Hipp. lib. 5. aphorif. 28. de aromatum  
suffitu



suffitu scripsit: Et ad alia utilis esset, nisi capitis gravitatem induceret.

Quid detrimenti mixtæ, propter inæqualem subterraneorum congressum, corporibus non idoneis conciliare possint; non tam ex prædictis, quàm eorum Libris liquidiſſimè cernitur; qui potissimam Errorum causam in usu acidularum temerario & in consulto aliquandò ponunt.

In genere, Famelicis ex defectu nutrimenti, quia succos minuunt; Siturientibus ex absentia humidi, quia siccant; Lurconibus & gulosis, quia vitæ regimen exposcunt; Pthificis, quia pectus stringunt ac lacerant; Morbis complicatis, quia viribus distractis minus frugi; utiles non sunt.

Ac, nisi expressam Aciditatem, quæ omnis est frigida, 4. de simpl. med. fac. 2. à calore mutante, nec vincente. 14. lib. eiusd. in quibusdam aquis præsumamus, ex Gal. 1. simpl. med. 6. aquæ omnes, quæ sulphur, aut bitumen, aut nitrum, aut chalcantum, aut misy, aut chalcitim, aut aliquod reliquorum medicamentorum naturâ calidorum gustu referunt, inimicæ erunt calidis corporum affectibus.

Neque etiam novum est, intemerato & præpostero earum potu abditas & pacatas



pacatas morborum causas ac semina innata hæreditariò in se devoluta, & alioquin longius ac ad dies vitæ dormitura, veluti ignitabulo, jis demum perfricari, atque suscitari.

Quæque alia nocumenta aquæ importent sulphuris, aluminis, vitrioli, lithargyri, æris, salis, bituminis, &c. Locus propalabit Iacobi de partibus, in lib. 1. Avicennæ, fen. 2. doct. 2. summ. 1.

Lucidissimum ergo est & alterum; per multis Ægris multos acidos fontes non quadrare; aliquibus omnes prorsus esse contrarios; hincq; religioso examine semper opus.

FRIGIDÆNE autem ab omnibus, sub dio, semper ebibi debeant, acriter disputatur.

Apud nos certè hic mos increbuit modernorum quorundam suasu & impulsu. Quatuor enim sunt, quæ prætendunt, argumenta, satis sua opinione valida. I. aquas istas incalfactas statim vires suas amittere. II. propinqui aëris temperiem aquis similiorem esse. III. primo quoque tempore rursum eas pertransire. IV. nemini, ne sudanti quidem, frigidas unquam nocuisse.

Credo primùm nullos acidas perdidisse rectè & tempestivè adhibitas. At postremum hydropotæ isti ultrò & cum gemitu reper-



repercutient, qui sibi earum heluatione ventriculum jugiter fastidientem, viscera perperam fluctuantia, intestina annuatim excrucienda, nervos dirissimè tensos, alvum præter debitum lubricam, ventres abominabiliter tumefactos, thoraces coangustatos, pessimò exemplò contraxerunt, quod Ego in nostro tractu factum certò memini, alii sine dubio in aliis.

Nempè aliter evenire aliquandò vix potest. Frigida enim omnia contraria sunt calori innato, arbitro Avicenna lib. 1. fen. 2. d. 3. cap. 2. Spiritui, motui, lib. 3. fen. 2. cap. 2. virtutibus & operationibus omnibus. lib. 1. fen. 1. d. 6. cap. 3. occidunt, quecunque ex calido sunt. 6. Epid. Hipp. sect. 5.

Et hæc multò magis, quæ actu talia; ut acidulæ. Corpora namque humidiora reddunt humiditate extranea. Avicenn. lib. 2. fen. 1. d. 3. cap. 1. Gal. 1. temp. 2. Et 6. sanit. tuend. 2. Interanea primùm obstruunt, deinde extinguunt calorem innatum, postea putrefaciunt, denique interficiunt. Id tract. 2. cap. de nocumentis factis à frigore: Obstructiones attenuari digeriq; prohibent; particulas (gulam, jecur, colon, diaphragma,) laborantes sive ex naturali intemperie, sive adscititio vitio; tumores præterea partium principum phlegmonosos, oedæmatosos, scirrosos offendunt. 9. meth. Gal. 5.

Constrin-



Constringendo omnia reddunt crassiora, dura, densa, immobilia. Hipp. 1. prorethica. 20. Convulsiones, tetanos, livores, rigores febriles adferunt. aph. 17. lib. 5. Hipp. inimica sunt ossibus, dentibus, nervis, cerebro, dorsali medullæ. aph. 18. lib. 5. Dolores faciunt insuppurabiles. aph. 20. l. 5. Adversantur ossibus fractis, denudatis, capitis ulceribus herpetibus exedentibus, sedi, pudendo, utero, vesicæ. aph. 22. sect. 5. Pectori infensa tusses movent; sanguinis profluvia & destillationes excitant. aph. 24. eius sect. vasa rumpunt. 6. Epid. sect. 3.

Et ne quis isthæc Mala de potentia duntaxat refrigerandi aut aqua simplici sola interpreteretur, Hippocrat. eadem definitè a quo actu frigidis accepta fert libr. de rat. vict. acut. text. 30. Et eò etiamnum Avicenna. lib. 1. fen. 4. cap. 2. Superflua frigiditas, qualis, extra dubium, Acidularum gelu, est ipsa mors innati caloris, aut ei propinqua mortificatio.

Huius sententiæ patronum etiam adducit Philotheum celebratissimus quondam nostræ Academiæ Professor, Fuchsius, comment. in aph. 17. lib. 5. Sin verò quis alius calidas rursus acidularum qualitates opponat, quas in corpore exercere possunt, teste Galen. de caus. morb. circa finem. in vigorem jam actæ à calore innato 3. fac. simp. med.



med. 17. Ipse vicissim Calenus masculè respondet. 3. temp. 7. rotundè asserens, Frigida nulla, quibus etiam aquam frigidam annumerat, à corpore nostro mutari, sed ipsum potius ab iisdem vinci. Tantum abest, ut obvio cuivis frugi esse possint.

Adhæc, revera acidæ aquæ & δυνάμει & ἐνεργείᾳ refrigerant. 4. de simpl. med. fac. 2. Quí ergo frigiditatem actu invalescentem aliâ ullâ qualitate retundent?

Insuper, si calidæ naturâ acidulæ repugnantibus etiam & infensis aliquandò viribus inquinatæ sunt, sicuti suprâ dixi; omnesque aquæ medicatæ naturales indubitato ficcant: 1. sanit: tuend. 10. & frigore suo impensò impendiò nocent; quid aliud, quæso, frigide eas exhibendo agimus, nisi ut homines antea malè affectos peiùs torqueamus?

An nihil etiam tribuemus regioni, ætati, tempori, consuetudini? ex aph. 2. sect. 1. cum omnes aquæ (frigidæ scil.) potores εἰς διαμένους καὶ εὐσπλαγχνους Hippoc. exigat. 3. de morb. text. 2. Et alii fontes aliis in locis mitioribus vel asperioribus siti sint, impubesque agitent. libello de aq. text. 5. & non tam omnia alia, ex aph. 49. & 50. quàm etiam potus insueti, magis molestare soleant, aph. 38. sect. 2. I I. vict. acut. aph. 34.



Næ omnes repentinæ mutationes cavendæ sunt. 6. Epid. Hipp. part. 3. aph. 21. noxam imbecillitatemq; faciunt. 2. vict. acur. 18. & tantum quod paulatim fit, tutum est. aph. 51. sect. 2. Vt ergo naturâ frigidiusculi, qui potu matutino parcissimo sævissimè inhorrescunt, frigidæ computationem perpetientur?

Quot etiam flatus crassos, indigestos, & olidos, à profundis, uliginosis, conclusis, algidis, & rorantibus istis locis à vivifico solis splendore, horis auroræ, a versis, aquis crudis immisceri existimabimus?

Communi medicorum decretò, hominumque prudentum notiâ jamdudum jejunis interdicta est aura matutina, locorum etiam salubrium, nedum istorum imperflabilium: quidni etiam aquæ frigidæ potus perniciosior, & adventitiam naturam in ventriculo efficiens?

Et cur plerisque cæteræ Potiones, alterantes & purgantes, calidæ propinandæ sunt, non quoq; quibusdam acidulæ?

Cur vinum, cur mustum gelidè epotum adeò ominosum, statuentibus medicis?

Vtrobique reor, efficaces sunt Spiritus à multa & diuturna caloris actione promptè exhalantes, quod non tam in patientibus vini & aliorum liquorum poculis, quàm pharmacopolarum apozematis & decoctis



decoctis, effervescenteq; musto, cottidiè luculenter cernere possumus.

Neque tamen propterea omnis eorum virtus in spiritibus conquiescit. Sapores enim, è quibus primum temperiei & virtutum in acidulis documentum ducimus, non in spirituum tenui, sed liquoris substantia aquea potius inhærescunt, ut placet Philosopho in 2. de anim. 10. ac in lib. de sens. & sensil, Et Gal. 7. de placit. Hippoc. & Plat. 13.

Et undenam ex ære, ex ferro, ex alumine, ex sale, solidissimis partim, partim siccissimis corporibus, tam copiosi Spiritus.

Quî Spiritus copiosi & q. fervidi à modico calore externo ita subito evanescunt? Similia non agunt in similia, ex Aristot. problem. 8. sect. 3. Et probl. 15. sect. 8.

Aut si agunt, quodammodo dissimilia sunt ex 2. de anim. 5. text. 55. alterum putà fortiùs, ut hîc spiritus; alterum debiliùs, ut calor externus, qui utique etiam patietur à Spiritibus. Spiritus namque calidissimi, siccissimi, tenuissimi, tale nihil facile patiuntur.

Vel si quicquam aliud, Averrhoidis arbitratu, calor ipsorum summus à calore parvo adventitio parùm remittitur & evaporando disperditur.

Immanent ergo tot, quot ægro jam præ-

C 9

senti



senti satisfacere possunt. Quid desideramus amplius?

Remissa gradu viribusque medicamentis, repetitione multiplici, sine detrimento, tantum possunt efficere, quantum una vice ordine paria viribusque adaucta. ex 1. meth. Fernel. 7.

Et si Spiritus fermè soli, omnes lapidum, metallorum, fossilium, & succorum vires imbiberunt, quid aquæ frigide ingens multitudo Spiritibus copulata lucri secum apportabit?

Galenî tempore ex intempestiva aquæ frigidae potatione cuidam jecur affatim refrigeratum statim aquam intercutem introduxit. 5. loc. aff. 6.

Nostro tempore quibusdam admodum sitientibus & sudantibus tùm hanc, tùm mortem repentinam.

Acidulæ ipsæ aliis multis incautis tùm horrorem, tùm rigorem, tùm rugitum ventris, tùm febrem derepentè incusserunt.

Neq; etiam Spirituum calor omnis actu viget, alioquin venti omnes suapte naturâ calidi, ex 2. meteor. Arist. 4. & probl. 7. sect. 25. ac probl. 34. sect. 26. citò omnia calefacerent; & Spiritus corporibus insiti lautissimi, sine influentium subsidio & juvamento, continenter sua exequerentur. Cum omnia agentia actu talia, in loco & statu naturali,

non



non possint non agere, haut impedita, ex. 2. de ort. & int. quorum tamen neutrum Experimentiæ *νεπιτην* hucusq; comprobatū est.

Meipsō etiam adstipulante, & in seipsis, & in coctionis modis, temporibus, atq; efficientiis, perquam disparia sunt ea, è quibus dicti spiritus eructantur: alia crudiora, alia maturiora. Nam & subterraneis maturitatem quandā concedunt Metallici. Vero igitur simile est, & ingenitorum Spirituum nonnullos valdè indigestos, crudos, atq; flatuosos esse, qui soli, absq; aquæ frigiditate, ultra modum invisi ventriculo, cordi, cerebro, lieni, utero, intestinis, thoraci, musculis, nervis, ut soli libelli de flat. Hipp. & Gal. satis ostendunt.

Flatus autem corrigi, si non planè tolli, possunt calore externo miti, quod in hordei coctione comperisse scimus Hipp. lib. de diet. Diosc. lib. 2. cap. 79. & Gal. in libello de ptisana proprio.

Et hoc ex. 6. phys. Aristotel. atq; 2. Sava- narolæ, cap. 3. rubr. 24. de aq. marin. nemo philosophorum mihi unquam animo evellet; calores duos naturales invicem coniunctos non plus movere in corpore, eō unō, qui est in mera potestate.

Nam quanquam acida & aquea, tūm propter tenuitatem, tūm fluxibilitatem innatam, haut invitò transeunt, spissumque

C 2<sup>o</sup> corpus



corpus citò perreptant; è Comment Galen. in aph. 18. sect. 2. mutuatitiò tamen calore amicò porrò adornata & extimulata multò & feliciùs & incitatiùs corpus n ovent. Si- quidem omne id, quod movet, actu præ- xistit: & eòdem laudabili in tenui subjecto excellens multò quæstuosius operatur: in- decente contrà prævalens tantò atrocius debacchatur, quantò tenuitate celerius permeat. Tenuè enim omne, crassum, acti- vitate superat. Gal. 1. de sympt. caus. 6. Et 1. diff. febr. 1. Cuius utriusque veritas in rebus usitatissimis, singulis diebus, nec intelligen- tibus, palàm esse potest: Illius quidem para- digma, in Spiritibus, essentiis, salibus vola- tilibus, acidis & acribus omnibus: huius autem pelluciditas in napello, arsenico, cantharidibus, causticis actualibus uni- versis.

An etiam ex re semper fit utentium, aquas istas omnes è vestigio corpus per- vagari, deliberatione longiore dignum vi- detur. Vt enim aliàs naturaliter nullus mo- tus fit in momento, sed in quodam tempo- re 3. Phys. 1. & eò aliàs longiore, aliàs brevi- ore. 7. Phys. 4. pro analogia agentis & pati- entis: 1. de generat. & corrupt. 9. Ita quoque Medicamenta proprio Artis sermone sic insignita (ignem enim & cætera cuncta eius generis actu talia, nisi fusa nominis appel-



appellatione, medicamenta nemo dixerit) naturæ legem affectantia in tempore motus suos perficiunt. 1. simp. med. 12. aliquando etiam occasione, sive intervallo temporis brevi, Hipp. text. 1. præcept. med. pro diversis corporum naturis, habitu, consuetudine, affectibus. 5. method. med. 10.

Ita rationabile est ex aph. Hipp. 72. sect. 7. refrigerata, & præhumectata, fluidaque corpora, in quibus tùm omnes aliæ, tùm præsertim retentricis facultatis vires valdè imbecilles, citius eas transilire, quàm vel inflammata vel exusta. p. n. vehementer, quibus tùm hæ facultates multò constantiores, tùm maior humidi cuiusque cupiditas & necessitas inest.

In affectibus immaterialibus, in quibus nulla humorum impedimenta, nullæ obstructions, nulli abscessus, excrescentiæ, vermes, calculi, sine dubio, multò liberius præterfluunt, quàm in materialibus, quibus propemodum innumerabiles remoræ liberioris transitus.

In iisdem viscerum infarctibus, ubi multâ atque diuturnâ humorum incisione & abstersione opus est, quæ tamen vires non à penetrantibus, sed crassioris consistentiæ mediis proveniunt, teste Galen. 4. simpl. med. 18. quomodo raptu quasi quodam salutariter præproperabunt?

C 3'

Quid?



Quid? quòd humores contumaces, impressæ intemperies, & inveteratæ obstructions, suo pte renisu & reluctatione, ægrius expelluntur è corpore? Quomodo igitur transitione aquarum celeri?

Adsuetos statim aquas transsudare; insuetos cum molestia eas transmittere, in ore est omnium, etiam philosophorum, & cuilibet præ oculis.

Quin, ut eò alludit Hipp. aph. 71. sect. 5. obesis densisq; corporibus diutius immorantur aque, & humida qualiacunq; quàm vel gracilibus & raris.

Quosdam αἰσθητῶς omninò non vacuant, sed tardissimè alterant, ex observat. Georg. Grassec. 1. part. acid. cap. 20. quæst. 5. quibus hac de causa effusio cita nec optanda est.

Sunt etiam aquæ ipsæ inter se dissimiles, & ex materia, & ex viribus, & ex mixtione.

Aliæ quidem crassiores, aliæ tenuiores; aliæ adstringentes, aliæ resolventes; aliæ cum multa aqua simplici, aliæ cum pauca sylvestri.

Cur illæ priores velocitate transitus cæteras adæquent, nemini ulla est ratio, vel etiam pugna rationis, nisi forsitan jis, quibus ex synceris Φιλιαργείας fontibus tantum ambrosiæ nondum haustum, unde id per-  
vetu-



vetustum faperent : crassa tenuibus, astringentia resolventibus, simplices aquas medicatis communiter tardius moveri. Discant igitur, si velint, ab Aristotele, à Galeno, ab Avicenna, locis suprà traditis & aliis per multis. Credant sui ipsius experientiae non difficili, etiam si interdum periculosa, quâ Indiscreti quidam cum damno poenitendo aliquando discriminantur.

At, videmus, aiunt, plerisque frigidarum usum prostratum antea appetitum mirabiliter restituere; aliis citissime vomitum proritare; aliis madorem & sudorem in toto corpore prolicere; aliis intestinorum, aliis haemorrhoidum, aliis venarum repagula repandere.

Videamus id maxime, quid refert? & cum emolumento, aliquorum opinatione, quid interest? Maioris id omnes faciamus, conducit, an ab innatis aquarum viribus, & naturae consensu; an vero asscinitio frigore, & illius derestatione, id factum: quamdiu item unius & alterius, aut totius corporis bonum adquisitum duraturum; num nihil mali postea pro bono successurum sit?

Nihil nunc dicam de eo, quod nullam Natura excretionem molitur in principio, siue materiae crudae, ex aph. 22. Hipp. sect. 1.

C 4 9 coctilis



coctilis quidem, ex Avicenn. lib. 1. fen. 4. cap. 3. In convertibilis namq; aut malignæ, ut nulla pravitatis commoderatio expectanda: ita neque tempus definitum ulli designatum est, sed quô citius excisa fuerit, eò melius. Avicenna ibid. Hoc non tam in acutis omnibus aliis, Medici, quàm eriam pestilentibus, chyrurgi, aniculæ, medicastrî diligentissimè adnotarunt. Quàm ergo frugifera vacuatio eiusmodi?

Nihil secundo loco dicam de eo, quòd omnis coctio, & coctioni similis alteratio, in tempore fit memorabili. 5. us part. Galen. 4. eoq; quieto atque tranquillo. 6. Epid. Hippoc. sect. 2. aph. 37. ne calor ab uno opere ad aliud fraudulenter avertatur, eò conspirante aph. 67. Gal. sect. 7.

Quid igitur boni præstolabimur ab improvisa & incitata ista humorum elutione?

Nihil etiam de eo obganniam, quòd omnis materiæ mitigatio præparatiove à calore corporis interno inchoatur & perficitur; ab externo medicamento intenditur duntaxat & promovetur. 5. de simpl. med. fac. 5. Quæ ergò facta præclara post se derelinquent calores utrinque pressi & arctati?

Nihil denique de eo quoque differam, quòd more aliorum experimentorum, acidulæ



dulæ symptomata quædam lenire & abripere possunt, radice eorum necdum sublata, quod ipsum quàm stabile, quàm fœneraticium sit, Philosophiæ & Medicinæ posthumi sciunt, & ex proposito proluxior in eo est Galenus in methodo, & Tabernæmontanus libr. de aquis Schvvalbacensibus, cap. 4.

Neque quisquam Balneatorum facile inficiabitur, plerasque Acidulas fitim à principio sedare, maiorem in progressu sæpè objicere; tusses perraucas crebrò dispellere, suspiriosas post brevi misellis afflare; famem multis ab initio obtreccare, mox radium de improvviso incutere; ventriculi & intestinorum pruritiones eas cohîbere, tensiones & obturationes pertinaciores has excipere; membrorum motus lassos & remissos primo intuitu eas accelerare, totos tandem abstrahere.

Sed hæc verissima in præsentî adeò non moror, ut dixi, ad posteriora opposita singula unum saltem atque alterum amplius hîc adducam, paucissimis his præmissis: Bibentium alios subvalidos esse, alios perinfirmos. Huius distinctionis veritatem ipsi acidularum exploratores suo exemplo attestantur; dum aliqui eorum à bibendo montes conscendunt, valles percurrunt, magnificas ædes pervagantur; aliqui lecto

C

D

per-



petim affixi ne pedem quidem, non domo, non januâ, non stratô, sed vix locô movere possunt.

Hiscè igitur cespitantibus morosulis, caloris potius partiumq; debilitas, & aquarû frigus, quàm ingenitæ dotes hæcce opera proferunt.

Antiquum enim est hoc Galeni: Comment. 20. aphorif. sect. 2. appetitum ex frigida intemperie nasci. Frigidam intemperiem ex aquæ frigidaæ Largo potu. 2. de caus, morb. 6. Cur ergo minus interdum ex acidulis gelidis?

Tritum etiam est hoc alterum; calore infito jam fatifcente, humiditatem impen-sè cumulari. 3. diff. resp. Gal. 11. Adcumulatô humidô, retentricis faculratis robur vehementer cadere. 3. de sympt. caus. 3. Remittente vero ventriculi retinaculô, subversionem eius paulò crebriorem incessere. 3. de de fac. nat. 4. Cur ergo non eadem aliquandô à frigido Acidularum potu junctim subsequenter?

Aqua per se propter liquiditatem citiùs intestina petit, ut in avidiore exorbitatione jejuni sæpè persentiscimus: & propter partium frigiditatem membranas peius lædit; ac propter frigoris stringentis renitentiam venarum valvulas claudit, distributionemque prohibet. 3. sanit. tuend. 12. Quorsum igitur



igitur tendēt acidulæ frigida à jejunis haustæ, nisi per alvum vacuum & spaciosum?

Sudorem aquas frigidas frigiditate cogente nonnunquam excutere; non semper virtute eximia; à rusticis animadversum est lagenas vacuantibus. Et qui non cursu inconsideratiore corpus ab acidularum usu excedenter madefaciunt?

Quibusdam melancholicis, cæterum robustis & sanis in partibus corporis, nil aliud vitii ab acidulis accedit, nisi quod solus sanguis venarum magis solito spissescit, & inde gravitate sua è superioribus submotus ani margines venosas implet & rumpit, uti argutamur è Galeni lib. de atrabile.

Mordacitas etiam acidularum aliis non indigentibus hæmorrhoidas dividit; vel tamen præmaturè & prælargiter eas protrudit, ceu factum aliquibus memini colicis & podagricis.

Deniq; cum Acida utero fatali lege bellum indixerint, ceu quæ Studiosè fugiat, ne feriat, ex Avicen. lib. 3. fen. 2. cap. 1. Et Hippoc. lib. de vict. rat. acut. tex. 29. quid mirū, si eiusdem vasa ante languidiora intempestivè cruorem mittant?

Vnde adversus secundam rationem potius frigidionis appositissimè concludo; neq; omnes acidulas æqualiter omnes pertransire; neq; omnē celeriore earum transitum  
D                      semper



semper conferre ; neque semper à propriis  
aquarum viribus transitum istum esse ; sed  
persæpè ab aliis causis externis , accidenta-  
libus, nocentibus.

Quod si ad tertiam rationem suam, vi-  
cini aëris familiaritatem & similitudinem,  
confidenter decurrant , multæ rationes in  
procinctu sunt, quarum maximam hâc fa-  
cio; quòd non tam in Medicina, quam Phi-  
losophia, externæ causæ *κρίσις* nihil suppe-  
ditant ad rerum constitutionem ex Aristot.  
1. Phys. 7. Et. 2. Phys. 3. ac Galen. 1. de causis  
procatarecti.

Et aër aliquandò vilior est causa, quàm  
quæ in medicamentorum usu spectari pos-  
sit. 9. meth. 14.

Ac, si quis cacochymicus necessitatis le-  
ge adactus facile medicamentum purgans  
ex naturæ bonitate toleraret, contra com-  
munes Hippocr. præceptiones , asperrimâ  
hyeme, squalidissimaque æstate, sumere il-  
lud posset, laceffit. 1. vulgari proverbio:  
necessitas ferrum frangit. 2. more nostrati-  
um, qui Climatis memores æstivô solstitiô,  
acidos fontes visitant.

Nec enim aër ex permanentium, inter-  
norum, & verorum indicantium est nume-  
ro. 4. meth. Galen. 3. sed cæteris præpollenti-  
bus, sine metu præteriri : aut etiam tutioris  
persana-



*Dissertatio Medica.*

perfanationis causâ artificiosè emendari potest. 10. meth. Gal. 5.

Deinde ambiens ille aër non est is, qui cum vividis acidularum spiritibus affinitatem singularem init, & in terræ specubus ac cavernulis juxta scaturiginem essentialiter acidis commiscetur; sed per se extraneus, plerunque etiam intemperatus est, æquè ac in hypocaustis; magnumq; dubium, num unquam ambiens mixturâ similis sit interno aquarum aëri.

Aut, cur bibimus acidulas cælo obscuro & pluvioso, ubi aëris disproportion nos erroris evidenter redarguit, & dehortatur? Absque dubio, tum salubrius in salubribus ædibus, quibus non nocivus fuscus hicce aër, jîs uteremur.

Tum quoque non exigua illa acidularum translatio à fontium scaturigine ad ædes propinquas, vires aquarum statim disperdit, quo sanè figmento multi multos imperitos, credulos, & rudes falsò fascinant (similis enim, ex sua sententia, ambiens est aër, non quidquam alterans; & mora atque agitatio diuturnior in ipsis canalibus, foveis, atque cisternulis adaperitis) sed tum in his, tum simplicibus aquis, vinis, cerevisiis, aliisque potibus vectio & gestatio longior turbulentiorque id facit.

¶ Quanquam



Quanquam non negaverim, & suaviores & efficaciores ex ipso statim alveo illas hauriri; aut tamen non remoto in loco, de quo neq; certatur inter doctos; sed num frigida aqua omnibus apta sint, & leviculâ transpositione atq; incalfactione confestim ἐξίτηλα & evanida fiant, hoc demum est, quod cum dictis rationibus apertè abnuo.

Etiam si enim acidæ aqua calidò locò reposita aut ad ignem tepelacta, acorem aliquandiu occultent, vires tamen suas minimè tùm deponunt. Hoc olim explicatissimè nobis significavit clarissimus & excellentissimus medicus, Iohan. Quint. Ander-nacus, dialogi sui. 2. c. 1. inter alia hæc subnectens: Adhæc, si in calido loco consistent, aut per ignem incalescant acidula, omnem acorem; non autem vires amittunt. Nam si in cellam aliumvè locum frigidiorum reponantur, rursus acescunt: id, quod in aquis Embesenibus calidis juxta Lan fluvium, quæ ex fontibus acidis magna ex parte profluunt, experiri licet.

Idem Germanicis verbis repetit Theophrastus Paracelsus, tract. 1. therm. cap. 9. de acidulis Gœppingensibus: Gœppingen / sagt Er / ist ein gemein Wasser / vnd empfacht sein saure auß den mineralibus dardurch es laufft / vitrioli, cupri, vnd ferri. Dieselbige art ist also subtil / so baldts die Wärme ergreiffet /



greiffe / so entweichet der gustus , aber die  
Krafft/so darinnen ist/bleibet.

A quibus nihili quoque recedere videtur Leonhardus Fuchsius , antiquæ & synceræ medicinæ Sydus inextinguibile, quilibet. 2. institut. suarum, sect. 5. cap. 28. scribit, quod acidæ, sive acidulæ, quæ etiam ignem fenserint, urinam potæ moveant, calculosis medeantur, ebrietatemq; discutiant.

Quin idem in Auvvenfibus aquis, quæ singulis diebus ad nos , Tubingenses , adportantur , cuique experimento comprobare liberum est.

At, præter hæc omnia , aliæ etiam in expugnabiles rationes in eandem me sententiam necessariò pertrahunt.

Harum prima est; quod substantiæ chymorum, fossilium, & mineralium, è quibus potissimum prodeunt acidularum qualitates, lentâ etiam Spagyricorû digestionem & sublimationem non dissipantur, sed in fundo tandem lateribusve vasorum sensibilibiter obhærent.

Secunda est; quod etiam balneæ ex acidulis paratæ, nihil, præ simplicibus, prodescent , si omnis earum virtus incalfactione abiret , cuius tamen contrarium divulgatâ medicorum praxi jam jam expeditum.

Tertia



Tertia est; quòd qualitates manifestæ pleræque quibus imbutæ sunt acidulæ, veluti vis calefaciendi, attenuandi, incidendi, aperiendi, detergendi, discutiendi, vacuandi, ciendi alvum, urinam, menses, atq; Sudorem, calori non sunt contrariæ; ita ut ab eodem potius erigantur, quàm supprimantur, ex 1. Gal. de simpl. med. fac. 7.

Quarta est; quòd qualitates occultæ à substantia metallorum κατ' ἐντελέχειαν acidulis impertitæ, haut à calore, neq; ab eodem vitium tantum capere possunt.

Denique præcellentissimi quique medici solò hoc discrimine, aquarum naturalium potum præscribunt, quòd fortibus & adfuetis, vacuò ventriculò, frigidum eum permittunt; imbecilibus, nec adfuetis, aut tepidum, aut calefactum. De quo pluribus consulantur Iohan. Guinter. Andernacus, Gabriel Fallopius, Bartholom. Taurinens. Martinus Rulandus. Et seorsim Nicolaus Massa, Medicus Venetus celebratissimus: qui, in epistola quadam scripta de aquis Chalderianis, calidam severissimè imperat in dyspnæa, asthmate, ventriculi debilitate, fluxu hepatico, podagra, & aliis articulo- rum doloribus.

Quare hanc etiam quæstionem rectè ita finio: neque omnibus indigentibus, neque sub cœlo inæquali sitis, frigidum Acidularum



dularum potum bonum semper esse atque commodum.

SUCCRESCIT igitur nunc quartum Quæsitum aliud, de quantitate, sive Mensura bibendi acidulas; num semper ea ad eò plena copiosave esse debeat; quartariorum ad minimum trium, quatuor, quinque, sex, aut plurium?

Sunt enim in ea Quidam opinione, quasi parca istarum bibitio corpus frustra moveat, nihilque laudabile efficiat.

Ipsemet, annis abhinc novem, Rusticum vidi in aquis Greifsbacensibus, prærendentem, se aliis etiam districtum negotiis, intra octiduum, facile curationem suam completurum esse. Atque ita, præter expectationem & dissuasionem omnium, subito quasi, factum est. Bis enim singulis diebus, repetitò haustu unò, mensuras usuales aquæ quatuor, sine respiratione ulla, avidè epotavit; dehinc acceleratò gradu montes altissimos ascendit, solis splendori totum corpus exposuit, sudavit, deiecit fatidissimè, & ab exactis diebus præstitutis octo, sanus, suo pte aliorum me judicio, domum recessit.

Consimilis Philoxeni, gruis collum sibi quondam exoptantis, meminit etiam

D

Iacobus



Iacobus Theodorus Tabernæmontanus, in  
sua acidularum pervenuit descriptione.

Sed oculatiùs hîc determinandi sunt  
veritatis limites.

Quantitatem remedii designat magni-  
tudo morbi, id est, recessus temperiei, actio-  
num, & usuû, sanguinisq; à statu naturali.  
4. meth. Gal. 6. Paria enim morbis remedia  
esse debent, quantum licet. Et necessum est  
omninò, immoderatum omne, ab immo-  
derato contrario ad mediocritatem trahi.  
85. Art. par. Gal. Moderatiora siquidem me-  
dicamina parum, aut nihil mutant; Immo-  
deratiora Malum contrariû mox inducunt.  
Gal. ib. Quare si plerisq; magnâ Acidularû  
copiam suademus; alterutrum horum no-  
bis necessariò confitendum erit: Aut omnẽ  
invaletudinem uniformem & magnam ef-  
se: Aut magnitudine remedii nihil corpori  
noceri posse. Vtrumq; absurdum.

Deindè nemini medicorum obscurum  
est, omnium medelarum vires eò magis  
frangi, quò longiorem de cursum habent  
per loca angusta & disparia, in quibus sub-  
indè aliquid à calore absumitur. 7. meth.  
Gal. ultim. 2. ad Glauc. 2. ceu invitis obvenit  
hystericis, pthificis, nephriticis & arthriti-  
cis. Arte idcirco hîc est opus eâ, ut ad affe-  
ctus partium remotarum, maiorem; pro-  
pinquarum, minorem medicaminis dosim  
constituamus. Gal. Art. med. 84. Nec verò  
in



in solis acidulis id quicquam ponderis habebit? Absurdum.

Natura profectò corporisq; calor vires medicamentorum dirigere debent, nè indefinite atque confusè circumfluitando, turbas potius creent, quàm tranquillitatem œconomix humanæ. 3. de simpl. med. fac. Gal. 21. Et. 3. temp. 3.

Quoniam autem eadem inter se dissimiles, in aliis aliæ atque aliæ: & ne in duobus quidem prorsus pariles aut combinatæ sunt; quomodo unius alteriusque fontis luxuriosa usurpatio indiscriminatim omnibus benè cedit?

Abundè, opinor, scimus, quantum discrimen in quovis habitu, sexu, & ætate. Ipsa faciat, solam bibendi cupiditatem curiosius inspectantes. Crassi homines, pituitosi, rarò tantum bibunt, quantum tenues & biliosi. Pueri & senes adeò nunquam sitiunt sicuti adolescentes & juvenes. Virgines atque fœminæ plerunque citius Baccho implentur, quàm vel puberes, vel viri. Quid igitur causæ, rogo, est, quòd ibi, ubi non opus, naturam monitricem sequimur; hîc, ubi valdè opus est, eiusdem oscitanter obliviscimur?

Hoc verò multò iniquius; eum, qui parco potui iam adsueverit, ad paria acidularum pocula succésentem cogere velle, cùm



omnis violenta naturæ, five genuinæ, five adoptatæ distractio, multo cum discrimine sanitatis complicata sit. 81. Art. med. Galen.

Et curis, qui solitariam vitam semper egit, Musarum studio foroq; magis, quam computationibus & certaminibus Ebriosorum deditus, eandem cum Rusticis, vinitoribus, nautis & fossoribus temulentis, bibendi conditionem subibit.

Vel sola Temporis ratio ab eodem nos fortiter absterreere debet: quando nec ipsi ineunte Vere, vel Autumo, tantam aquæ copiam ingurgitare possumus, quantam mediâ Æstate, nedum etiam Hyeme; si modò ex quorundam præconcepta opinione tum quoque Acidularum potui utiliter indulgemus.

Præterea cuiusque Lingua quemvis facile edocet, acidulas alias vinosiores, alias aquosiores, alias terrestriores, alias spirituosiores esse: de quibus certè hæc, ob virtutem, paulò parcius; illæ, ob virtutis carentiam, multò largiùs dabuntur, ut effectum prosperitent.

Materiæ porrò etiam morbificæ quantitate & qualitate differunt Acidulæ; dum semper illius abundantia, contumacia, & ferocitas, plenior aquæ mensuram nobis



bis præscribit; contractiorem, paucitas, morigeratio, & benignitas.

Tum etiam aliquibus Intestina, Venterculus, & præsertim summum eius orificium, adeò mollia, rara, atque sensibilia sunt: ut, nisi attemperatam acidularum delibationem, citra valetudinis jacturam & defectionem animi, ferre non possint.

Et quis eat inficias, sola Vitrioli acrimoniâ, balsamoque mordaci, quæ in plerisque sunt fontibus acidis, integra interdum Viscera protinus exedi & exuri: quandoquidem spiritus oleâque ipsorum, prædura plumbi, stanni, ferri, æris, argillæ, lapidumque incrustata vasa, tempore protracto, abradunt, atque depascuntur.

Et recensetur in Historiis superiorum annorum, inventum esse corpus demortuum, cuius viscera duo, cor, & ventriculus, è diuturno vitriolati liquoris usu, ita exesa ficcataque fuerint.

Nec nescivit antiquitas. Princeps enim Medicinæ, post Græcos, Avicenna, tract. 5. nocument. aquæ de acidulis dixit; quòd intestina & stomachum ulcerent, nauseam faciant, & hydropisin. Sed isthæc quoque transeant.

Quid verò insuper prohibet, quò minus Fæces lutulentæ & tophacæ, quæ aliàs in cisternulis, labris, & canalibus fontium

D 3) squama-



squamatim translucent, in cavis itidem Corporis partibus paulatim coëant & coacerventur: quemadmodum è confimili fabulo glutinoso, non solum in vesica, renibus, & visceribus cæteris, sed etiam intestinis foraminosis lapilli quondam concreverunt? Quæ enim solida & dura ab intimo calore naturaliter digeri non possunt; etiam si magnâ sui parte subitus statim exeant; quisquillas tamen aliquas etiam parenchymatum & venarum tractrici facultati intus relinquunt: quæ sensim postea magis magisque impinguntur & sobolescent. Vnde è Nucleis cerasorum & uvarum Acinis, colicæ; ab Arillis rubi idæi & mororum, lithiasis procreata dicuntur.

Quin etiam temporis inconstantia & varietas polydædala multitudini potionis aliquid detrahit. Sirius enim ardentior aquarum Spiritus evocat, terrestritatem dimittit; Ventus impetuosior subtilitatem adimit, limositatem accersit; Tempestates & imbres magni per se aquam turbant, incrassant, & tùm hæc, tùm Insecta venenata multiformia, aquasq; sylvestres secum invehunt. Quare Turbida & obscura, (ut hoc anno aliquibus locis) spirituum parum, arenæ & cretæ mineralis multum congerunt minusque bibi patiuntur, ceu pluribus declarant Tabernæmontanus Libri sui cap. 9.

Georgius



Georgius Graffeccius libr. 2. cap. 2.

Aquæ amplius minerales nedum à qualitate manifesta; sed etiam occulto influxu operantur; ut haut ineptè philosophabatur Petrus Trapolinus, Ludovici Pasini, Medici Patavini, Præceptor.

Quisnam igitur Audaculus brutalem istam acidarum mensuram cunctis propinabit?

Catarrhosi aliqui, totò vitæ suæ curriculum, nihil sibi magis invidum experiuntur, quàm trucem & tyrannicum dentium dolorem, quem semper vitrioli, & interdum sulphuris resoluti stupefaciens aciditas immaniore facit.

Meracior igitur hæc in aqua quadam (si maximè frigida bibenda sit) contractiorem mensuram subinnuit, etiamsi ventriculus, intestina, epar, pleraq; alia viscera, effusiores potum postularent, & sustinerent.

Provoco demum ad Medicos ipsos, qui de divinis aquarum viribus, & recto earum usu elimatiùs commentati sunt, quàm sint diversi in dimetiendis aquis istis? quàm omnes inviti ad summum ascendant? Tabernæmont. communiter quartarios tres; Andernac. pocalia totidem; Grafecc. vitra duo; Alii aliter plusve minusve exhibent. Summatim, libentiùs infrà, quàm supra Summum, subsistunt.

D 4

Nam



Nam longitudine quoque usus, re exigente, cum virium incolumitate, recompensare illud possunt, quod dictis de causis, cum damno multo Gurgites isti superinfundunt.

Quandoquidem tutius semper omis-  
sis, in Corpore humano, addimus, quàm in-  
gestis subtrahimus. I. Commentar. Galen.  
aphor. I.

Postremò omnium, hoc mihi cupidè  
ab Aliquo perspicuè dilucidatum velim:  
cur aliæ potiones alterantes pleræq; ad un-  
cias duntaxat tres, quatuor, quinque, aut  
sex, porrigantur: nec tamen in illa Dosi  
quicquam præstare putentur solæ acidulæ?  
Solummodò medicatæ sunt, aies? Sic verò  
& illæ. Efficaces valdè? Cur verò hæ minus?  
Cum paucò liquore simplici? Et hæ inter-  
dum pauciferæ.

Cui etenim ἀδύνατον videatur, tantam  
etiam virtutem acidis quibusdam aquis à  
mineris mutuò datam esse, quantam aliæ  
nonnullæ naturales ab iisdem accepe-  
runt?

Annæbergensis in Saxonia Electorali,  
referente. D. Henningo Scheunemano Se-  
nipolitanò, cap. 14. discurs. Philosoph.  
tàm magnæ est activitatis, si scaturigo eius  
aquâ communi non sit contaminata, ut  
morbos



morbos gravissimos, & quidem chronicos, spatio. 4. vel 5. dierum curet.

Multò ergo minori dosi tales aquæ assumendæ sunt.

Dum etiam juscula, electaria, tabulas, species alias aromaticas, Dogmatici veri aliis alii proponunt, id certè vel inviti admodum, vel cum consultatione magna, vel lance æquâ Aquilini adgrediuntur.

Siquidem tolerabilior est læsio ipsâ mortè, mortaliæ offensâ, quæ Sorbitionibus, jusculis, confortantibusque accommodis sæpè vindicata legitur, utut tantillo temporis processu tota coctio non perfici, chylusq; imperfectus in capacitate ventriculi coherceri possit.

Quod si venena antidoti, & haustus immodicos hydrotici calices abigere possunt, quid amabo Electuaria aptè adornata non præservabunt?

Subsignent ultimò tabellas, rotulas, species aromaticas, quascunque velint, id interim discriminis sedulò observant, ne pondus illarum Latam aquæ quantitatem vel excessu, vel defectu, suspectam reddat, sed corpori afflicto, sed mensuræ, sed circumstantiis æquabilem.

Huius fortassis memor Bartholomæus Montagnana tractat. 3. reg. 13. calidarum aquarum Patavinarum, Aponensium, S. Pe-



tri, Domus Nov. Mont. Grotti, S. Helenæ, Mont. Ortonis, non plus connivet bibendum, quàm uncias quatuor, vel octo.

Antonius Fumanellus cum Aleardo, libri sui de baln. cap. 5. Calderianarum ferratarum maximâ quantitate libras tres.

Antonius Guainerius, Aquisanarum, libri sui de baln. cap. 4. pintas tres.

Bartholomæus Taurinensis, cū Michaële Savanarola, lib. sui. 2. cap. 9. Aquensium, à libra media, ad lib. 3.

Quocirca quarti etiam & ultimi huius problematis ultimum hoc sit: ne uni quidem aut alteri tantam aquæ copiam unquam adeò conferre quàm paulò minorem parciolemq;

Sin cui de singulis singula minutiùs perscrutari animus est; multi in omnem partem elaboratissimi libri extant, Latio Teutonicoque sermone donati: è quibus spontè optima excerpere, mediocria obliterare, dubia Medicis committere potest: qui ipsi rogati, pauperibus, rudibusque Linguarum, pro debita pietate, operam suam non denegabunt.

Hæc verò omnia eò scripsi, Lector benevole: non ut quenquam à sacris hisce Silohæ fontibus graviùs deterrerem (revera enim sacra sunt multis anchora, & infallibile valetudinis restaurandæ asylum) sed  
ut



ut Eorum primò confusam Linguam re-  
primerem, qui nisi de Acidulis , nil nostro  
seculo de meditrina fari possunt. Secundò,  
ut eos etiam Molliculos , qui semper sibi  
suisque Carrulis plus obsequuntur, quàm  
Medicis doctis & peritis , quantum in me  
est, ab Errore revocarem. Tertiò, ut egomet  
etiam certior hâc occasione fierem , nùm  
forsitan tectius quid adhuc dum acidis sub-  
esset. Quartò , ut me excusarem erga eos,  
quibus de præscripta earum Quantitate,  
minùs antehac consilia mea placuerunt.

Alii in Arte Medica exercitati & con-  
summati *πρωτοπείρω* mihi facile veniam  
dabunt, si modestè impingo : laudabunt,  
spero, vicissim , si quoquo modo veritatem,  
pro tenui mea parte, adjuvo.

Faxis Alme mundi omniumque Con-  
ditor, ut cùm his salubribus donis, tum alijs  
quibuscunque muneribus tuis ritè  
semper utamur.

F I N I S.



TUBINGÆ,



Typis Theodorici V Ver-  
lini, Anno


---

M. D C. X V.































V. e 45

(S.P.)